

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) خارج ایچون سنه لکی
۳۲۵ غروشدر .

نسخه سی ۵ غروشدر .
ایکی نسخه برآراده
(۱۰) غروشدر
سنه لکی ۵۲ نسخه در .

اداره خانه : باب عالی جاده سنده
رشید افندی خائنده

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیلر اعاده اولنماز .

الذی یهدی من یشاء الی صراط مستقیم

بسم الله الرحمن الرحیم

والله یهدی من یشاء الی صراط مستقیم

باش محرر
محمد عاکف

صاحب و مدیر
اشرف ادیب

اتبعون اهدکم سبیل الرشاد

بر شخصیت مخصوصه سی موجود در، بو وجه ممیزه ك خارجي هیچ بر تأثیر ایله استقامتی تبدیل اتمه سی لازم کیر.

یکی کورولن بر شینك تکرارینه اولان میلان، شبهه سز استیلائی بر مرض روحیدر. بو اعتبار ایله تقلید طبیعت بشریه ده مکنوز بولمقده ایسه ده تظاهراتی مطلق دکل، بر چوق شرائط مادیه و معنویه ایله مقیددر.

ملترك « طرز معماری، ادبیاتی، اجتماعی... الخ » کبی شخصیتلرندن مهم بر صفحه بی احتوا ایدن علائق عینی اولمق اوزره تقلیدده بر خصوصیت موجوددر.

بو خصوصیت موجود قالدیقه، تظاهراتی اعتباریله ملی شکلی محافظه ایتدیجه ضرری ممکن مرتبه محدود قالمش اولور. فقط محیط ملی واجتماعی خارجنده انکشاف ایدن بر تقلیدک ماهیتی زهر قدر مؤثر وشایان اندیشه در.

افراد اجتماعی مزك حیات خصوصیه لرنده بیله حسلری، روح و آرزولری داخلنده - بشقه لرینك طرز حرکتندن متأثر اولمایه رق - تنظیم امور ایده بیلمسی، استقلال وجدانی ایله نه پایدیغی و نیچون پایدیغی ادراک مقتدر بولمسی پک زیاده شایان نمیدر. غیر شعوری بر تبعیثه باشقه لرینك حرکتی تعقیب ایده بیلمک ایچون حیات حقیقه هیچ بر فکره مالک اولماق، انسانیتک مزیا تندن معدود اولان اراده به حاکم اولماق اقتضا ایدر.

حیات خصوصیه ده بیله منفور، و احبابی حقیقه « بی شعور » وصفی داعی اولان بو حالت مرضیه نك منفعت عمومیه، حیات ملیه موضوع بحث اولدیغی زمانلرده کی و خاتمی دوشونولسون. اراده سز بر کتله نك - زریه کیندیگنی بیلمک سزین - کور کورینه مظلم بر استقامته حرکتی البته هیئت اجتماعی بی فلاکت منتهی بر طریق سوق ایدر.

بیلمک سزین دوشدیگمز بو اوچور و مدن قورتلغه اوغراشه جغمز یرده الآن ده ادرینلنکره دالمق ایستوروز. بوکا - کندمنی الداتمامق لازم کلیرسه - بلاهتدن بشقه بر تعمیر بولنه ماز. شمیدی به قدر چوق دفعه لر مناقشه ایدیلن بو موضوعی مجرای طبیعیه سز ارجاع ایچون اول امرده بسیط بر سوال ایله مسلمانلره خطاب ایدیوروز: « بز کیمز؟ شخصیت مخصوصه من نه لردر؟ »

بوکا و بریله جک جواب « بز مسلمانز، کندمنزه مخصوص شرائطه، اوصاف ممیزه به مالکیز. دن عبارت اوله جقدر.

او حالده هپ برلکده، فقط بر آزادگان و امعان ایله دوشونه لم. بز حقیقه سوزلدیگمز کبی کله نك لغت و اصطلاح معناسیله اوصاف مطلوبه بی حائز می بز؟ بوملتی عصر لرجه جهانک سرفرازی قیلان سطوت و شوکت سزین تأمین ایدن دینمزله درجه علاقه منساده یوزمنی قزارتمغه

کور. مخصصات سنویه بکونی اطعام ایچون سنوی (۵۹۴۰۰)، مأمورین و مستخدمین معاشات و اجوراتی ایچون (۴۸۰۰) که جمماً (۶۴۲۰۰) لیرا اوله رق تثیت اولدیغی و فقط مجلس مبعوثان حال اجتماعده اولمایوب ۳۳۴ بودجه سنک تمیدی مقتضی اولمسندن بودجه ده محرر مقدارک تزیدینه امکان اولماقده یالکیز عین فصلدن (۳۰۰۰) لیرانک (۳۷۰۰۰) لیرایه ضمیمه (۴۰۰۰۰) لیرایه ابلاغی و اوقاف انبارندن یکر می بیک لیرالق ارزاق اعطاسی و باشقه جه سنوی (۲۵۰۰) کیلو شکر و (۳۰۰۰۰) کیلو کومور و (۲۵۰۰) چکی اودون و بریله جکی ینه شمنس الدین بک طرفندن بیلدی ریش اولدیغی [تحت قراره آلمش ایسه ده بو مقررات دخی ینه مع الاسف حقیقه جای قبول بوله مامشدر. استانبول مدرسه لری اداره سنه امور شرعیه و اوقاف و کالتنک، تدریسات مدیریت عمومیه سنک وضع ید ایتدیگی زمانه قدر طماخانه لر حال بریشانیسی محافظه ایتدی. و کالتک؛ مدارسک ترقیاتی، طلبه نك تأمین اعاشه سیله حضور و رفاهی حقیقه کی قطعی امر لری قارشیسینده طماخانه لرده بر درجه به قدر اثر صلاح کورلمک باشلامش، مدبر عمومی حمدی اقدینک استانبول مدرسه لرینی حین تفتیشنده طماخانه لره ات قوقوسی، طلبه نك معده سنه ات لقمه سی کیرمه ک باشلامشدر. و کالتک اول و آخر و یردیگی امر لر بورا جه حقیقه تطبیق اولنورسه طماخانه لرك بو کونکی احواله خاتمه چکیله رک انتظام و مکملیت کسب ایده جکی شبهه سزدر.

طماخانه لرك اداره سی خصوصیه کلنجه، شکل حاضره قطعاً طرفدار دکاز. بونده بوراده ایضا حنده محذور کوریلن بر چوق محذور لر وارددر. طماخانه لرك باره سی خزینه اوقافدن چیقیور، دیوانه قارشی اوقاف محاسبه سی مسؤل، اعاشه مأمورین و مستخدمینک معاش و اجر تیرینی اوقاف اوده یور، طماخانه لرك متفرق و متنوع ایشلرینی اوقاف کورییور، محروقاتی، تنویراتی اوقاف و یرییور، اوقافک دیگر عمارتله مشغول و منتظم برده لوازم اداره سی وار، خصوصیه بو کونکی تشکیلات حکومت موجبجه شرعیه و اوقافک وکیل و ناظم اموری بر ذات. او حالده جهت علمیه یالکیز تدریسات ایله مشغول اولسون. بو کونکی اعاشه مأمور لری لوازم مدیریتک امرینه کچه رک طماخانه لر اورادن اداره اولونسون. هر حالده منطق و مصلحت بونی آمردر. بو؛ جای شبهه و تردد دکلدر.

مفتی زاره

اجتماعیانه غربی بیلن ربوز غرنجیلی :

تقلید سیئه سی

سجایای ملیه مزك تردیات حاضره به صورت استحاله سنده برنجی درجه ده « تقلید » ک عامل اولدیغی محققدر. ملترك کندیلرینه خاص

کویا متین بر سنجیه ویره بیلیمک املیه بر طاقم مره به لره ، اونلرک
ید تبریکارینه (۱) تودیع ایلدیگمز بو ملتک حس و روحنه یابانجی
اوله رق یتیشن اولادمنزه - بزیده بکنمکلری حالده - تقدیرلری
دریغ ایتمک . پیغمبر ذیشانزک تاریخ حیاتی سطحی اوله رق بیلیمکن
« زاق زاق روسو » نک ترجمه حاله داتر معلوماتی ، « قود سیویل »
مندرجاتی حقنده کی درجه و قوفلرینی آلقیشلادق .

تفرعاتی یوزلرجه صحیفه یی اشغال ایده بیله جک اولان بومعرفتلی
مدنیت غربیه نک غیر شعوری بر تقلیدی اولق اوزره یابدق . فقط
باقیورزکه : اعجوبه زمان اولمشز ! « وجه نمیز » من ملتر خلیطه سندن
مرکب بر بابل قله سنه ، سجه من هیچ بر خصوصیتی قالمایان وطنسزلنه
منقلب اولمش !

لکن قاج کنج غربک صناعیاتندن ، ترقیات ماده سندن ، علوم
مبته سندن استفاده ایتمش ؛ قاج فابریقه ، قاج مکتب آجلمش ، قاج
شرکت تجاریه ، قاج جمعیت خیریه چیقمشده بوملتک محافظه شخصیته ،
تساند اجتماعی ایچون ذره مقداری خدمتده بولمشدر ؟ . . .

ژاپونیا ایلرده غربی تقلید ایتمیلر . اوتوز قرق سنه ده مدنیتک
کافه مادیاتی ، وساطتی اقتطافه ، اقتباسه موفق اولدیلر . فقط بر
ژاپونیا ایلی اک اوفاق سجه سندن ، اک بسیط بر عنعناتندن واز کچمدی .
ینه تاریخنه ، اجتماعاتنه ، اقتصادیاتنه ، آدابنه مالک بر ژاپون اوله رق
قالدی . بز ایسه غربی تقلید ایتمک . فقط ترقی نامنه اک اوفاق بر
دلیل ، مثبت بر نتیجه کوستره مدیکمز حالده شخصیتیزی ، ملیتمیزی ،
عنعناتیزی غیب ایلمک .

کندی اساسات و روحیاتی داخلنده ترقیات وانکشافاتی اهمال
ایده رک وادی ترقیده کبری قالان ملتیزک عصر حاضرک فیوضات
مبته سندن استفاده ایلمی پک طبیعیدر . علم و فن و صناییمک ملکیتی
اولیوب بشریتک مال مشترکی اولماسی حسینیه بوجهتلیک تقلیدندن بر
محذور تولد ایده من . غربدن ، غربک اقتصادیاتندن ، صناعیاتندن
استفاده ایده لم . تجارت ، زراعت یوللرینی تدقیق ایده لم . الحاصل
ترقیات ماده منی ایستر آوروپادن ، ایستر آمریقادن ، ایستر ژاپونیا دن
آله لم . فقط بونی یا مقله بتون ملترک فوقنده اک یوکسک راجتماعاتمز ،
بیوک بر دینمز ، شایان حرمت بر ماضیمز اولدیغنی ، عنعناتمز صداقت
لرومنی اونوش اولمایه لم . بز آنجق مسلمان حس و روحیه مسلمان
اوله رق یاشایبیلیرز . مترقی ، متعالی ، لکن ینه مسلمان حس و روحنی ،
اوصاف تمیزه سنی حائر بر هیئت اجتماعیه مالک اولدقجه فلاح بوقدر .

من حکمت

کافی دکلیدر ؟ عنعناتمزده « ادب و حیا » دینلن کچمش بر مزیتمز
واردی . بونک لزوم و ضرورت اجتماعیه سی تقدیر ایدیله رک اوروباده
بیله سوقاقلرده جالب اشها بر صورتده پرده پیرونانه کزیمک ، سینه مالرده ،
تیاترولرده فحشه تحریک ایده جک او یونلر ویرمک و حتی - آمریقاده
سوقاقلده زوجه سنی او پمک بیله منع ایلدیکی حالده - بوراده اسلام
نامنی طاشیدان بعض زوالیلرک اغیاری کولدورن اطوار سفیه و مجنونانه لری ،
سیناما و تیاترولرده اک آجیق رذائلر تشهر اولنورکن کیجه یاریلرینه
قوربوصالونلری دولدوران دلقانلی وقادینلرک حال تردیسنی ، خصوصی
حانه لردن باشلا یه رق اک غلبه لقی یرلره قدر بی پروا بر صورتده دوام
ایدن رذائلر نه دن ایلری کلیور ؟

یابانجیلرک بیله تسلیم ایتمیکی بر جوق مزیتمز واردی . مسلمان
قدر دیندار ، مسلمان قدر مسافر پرور ، شرقلی یعنی مسلمان قدر
دوغری الخ ضرب مثللری آوروپالیلرک اغرنده دولاشیردی .
کندی مزه مخصوص بر معماریمز ، بر ادبیاتمز ، طرز صنعتمز ، آداب
مماشریمز ، الحاصل بر شخصیتمز موجوددی .

بوکون هیچ بر خرسیتان ملت کوروله مزکه : کندی حرشندن
اوفق بر فدا کارلنه بیله راضی اولسون . بونلرک ماضیلرینه ،
عنعنلرینه قارشلی کوستردکاری بو متعصبانه صداقتک قوانین طبیعیه قدر
جلی عد اولنلدیغنی و هر ملت آنجق کندی طرز مخصوصیه اثبات
رشد ایلدیکی حالده بز ، کندی شخصمزدن نفرت ایدیورز .

طرز معماری منی بیوک تقدیرلر ایله غرب عالم صنعتی تدقیق
وتبجیل ایدرکن بز اوکوزل طرز منی حقیر کورده رک ذوقزه ،
روحوزه هیچده توافقی ایتمین غرب معمارینسی تطبیق ایتمک ایستیورز .
فقط ینه آوروپالیلرک اعترافاتیله ثابتدرکه شرق اسلوبی ترک ایتمدیگمز
کوندنبری یکیله شن شهرلر منده آاز کوزل ودها آاز جاذب بولونیور .

آوروپا ادبیاتی و ادبانی تقلیداً قلمه آلدیغمز پارچه لرده - ولوکه
اوکا شعر نامنی ویره لم - روحزی کوسترن ، شخصیتمزدن بر جزو
اولان هیچ بر آهنگ و صمیمیت وارمیدر ؟ . . . شعر روحک ذوق
ایسه عجباروح ملی بو غرب مقلدکی ادبیاتندن متحسسمیدر ؟ . . .
حیات عالمه مزده بر تقلید میلانی حاصل اولدی . هیئت اجتماع
عیه مزده غیر اختیاری بر « آلا نورقه ، آلا فرانغه ، تصنیفی ظهوره
کلدی . اولر منی فرنکجه سوسله دک ، مدنی کوزوکک ایچون
خانه مزه اجنبیلری دعوت ایدرکن خسته و بیکس قومشومزه برقاشیق
چورپایی چوق کوردک .

آنا دیلمزی درست قونوشامازکن ایکی اوج کلمه ده بر اجنبی
لغتی علاوه سیله شارلانانلق یابامایانلری جاهل کیمسه لر عد ایتمکدن
بر حظ مدنی دویدق .